


le concile est plus grand q̄ l'empereur, & pour ceste cause il ne le pouoit ottroyer contre la volonte du concile, & principalement es faitz de la foy. On dict aussi q̄ Iehan qui auoit este depose de la Papaulte, fust mis hors de la prison du comte Palatin, & que de la il se vint humblement presenter au Pape Martin, lequel le recueillist benignement, & le receut au nombre des cardinaulx, le faisant euesque de Tusculan. On pense que le Pape Martin fut esmeu de ce faire par les prieres del'empereur Sigismond & de Louys comte Palatin auant qu'il entraist en Italie. Et il mourut bien tost apres de tristesse. L'an 1531. la ville de Constance se adioignit a l'alliance Schmalcadique, mais puis apres quand les confederetz furent vaincus par l'empereur Charles, elle fust contraincte de souffrir les armes dudit superieur, iusques a ce quelle paruint soubz la tutelle de Ferdinand roy des Rommains.

## De la comte de Rheinfelden.

*Rheinfelden en gagee aux ducz d'Autriche.*

**C**este comte comprend toutz les deux costez du Rhein, mais le chasteau estoit assis deuant nostre temps au milieu du Rhein dessus vne roche, duquel on veoit encore quelque apparences en ceste Isle. Raoul dernier cōte de Rhinfeldē, qui fust fait premierement duc de Souabe, & depuis esleu roy des Rōmains en discord fust occy a Merspourg en Saxe par Henry quatriesme l'an 1082. Apres luy ceste cōte tomba entre les mains des ducz de Zeringen, & finalement fust annexee & incorporee a l'empire, come nous auōs mōstre cy dessus. Or come ainsi soit que ceste ville avec Neuenbourg ou Neuchastel sur le Rhin, & Brisach eut este engagee par l'empereur. Louys aupauiant duc de Baviere aux ducz d'Autriche l'an 1325. ou enuiron, sauf toutesfois toutz les priuileges de la ville le duc Albert suruenant depuis taschoit de debouter les citoyens de leurs priuileges, & les rendre totalement subiectz a la iurisdiction. Iceulx ne voulantz point endurer cela, se ioignirent & alierent avec ceulz de la ville de Basle, lesquelz pour lors aussi se sentoient oultragez des Austriens, & il eut guerre entre le chasteau & la ville. Ceulz de Basle desirantz donner secours a leurs voyfins enuoyerent quelques bombardes & pieces d'artillerie, & aultres prouisions de guerre, & eulx mesmes descendirent en armes le 8. de Iuillet, & gasterent & pillerent tout le pays a l'entour. Ilz enuoyerent aussi garnison de 200. hommes en la ville de Rheinfelden, ce que les Suyffes confederes firent aussi pour defendre ceulz de la ville de Rheinfelden iusques a ce qu'ilz eussent mis la moisson en leurs greniers. Ce pendāt ceulz de la ville & ceulz du chasteau setiroient des coups d'artillerie les vns contre les autres. Oultreplus ceulz de la ville abbatirent le pont, par lequel on alloit de la ville au chasteau, & tenoyent tellement leurs ennemys assiegez, qu'ilz ne pouuoient ny entrer dedans ne sortir hors. Les Suyffes & ceulz de Basle se sentantz de plus en plus irritez par les Austriens enuoyerent 4. mil hommes d'eslite en Brisgou, pour gaster la terre du duc aupres de Friburg par feu & rapines. Apres donc qu'ilz furent venuz en Brisgou, ilz bruslerent 15. villages, & emporterent vn grand butin a Basle. Vn peu apres estantz entrez en Sūgou, ilz bruslerent la petite ville de Pherrete nommee Pfird en Allemand, & entirerent de grandes despouilles. Ce mesme an au moys d'Aoust ceulz de Basle avec les Suyffes lesquelz ilz souldoyent, s'en allerent en grande compagnie assaillir le chasteau de Rhinfeldē, auxquelz les Bernois & ceulz de Lucerne & Saleurre donnerent aussi secours. Or ce pendant que ceulz de Basle oppugnoient le chasteau de Rhinfeldē, l'armee du duc de Autriche vint de Brisgou contre la petite Basle, & emmena 200. chezt de bestes. Albert aussi duc de Autriche vint de Rhinfeldē avec grande armee contre la petite Basle, mais il se retira tout soudain & brusla le chasteau aupres de Krentzach. Or les Suyffes passerent oultre le Rhein pour venir au deuant du duc, mais ilz ne le peurent rencontrer, d'autant qu'il auoit fait grande diligence de gagner la ville de Seckingen, par quoy ilz occuperent son fort ou ilz s'estoit campe lequel lieu il auoit choysi pour soy & pour ses gentz viz a viz de Rhinfeldē. De la aussi ceulz de Basle commencerent a infester ceulz qui estoient dedans le chasteau, iettantz de grosses pierres & les charongnes des bestes par le moyen de certains instrumentz, & esbranloyent a force coups de canon les murailles du chasteau, amenerent ceulz de dedans iusques a ce point, qu'ilz vindrent a demander qu'on leur fait grace & prier qu'on les laissast aller leurs meubles & bagues saluues. Et combien que ceulz de Basle ne voullussent ottroyer ceste demande, & principalement d'autant qu'ilz scauoient que le baron de Falckenstein estoit dedans le chasteau, toutesfois apres auoir prins conseil, ilz s'y accordent

*Le chasteau de Rheinfeldē assailly.*



sy accordent, leur permettantz de se retirer en liberté, et cela fust fait au mois de Septembre. Il y auoit dedans le chasteau plusieurs gentilz hommes amassez, ascauoir le baron de Falckenstein, vn gentilhomme nomme de Vuilneck, & vn autre de Blumeneck, & plusieurs autres gentilz hommes & autres gentz, le nombre desquelz montoit iusques a 80. personnes. Il y auoit aussi bonne prouision des choses necessaires en ce chasteau, ascauoir beaucoup de draps de soye, plusieurs pieces d'artillerie, 80. licz & leurs garnitures, six chars de vin, & 2. bœufz salez. Ceulz de Basle aussi y trouuerent leur grande piece d'artillerie, laquelle les Suysles auoyent laissee derriere apres la bataille qu'ilz eurent avec le Dauphin, se retirantz du chasteau de Farsbourg. L'an 1448. le 12. d'Octobre le han de Rechberg, avec ses aliez print la ville de Rhinfelden, lors mesme qu'aucunes villes estoient deputees pour appaiser ce differend en la ville de Constance l'an 1446. & pour appointer a leur fantasie iourela cause d'inimitie qui estoit entre le duc d'Autriche & la ville de Rhinfelden. Mais ledict lehan de Rechberg n'attendit pas que l'accord fust fait, ains ayant intelligence luy & Thomas de Falckenstein avec plusieurs autres, donnerent la leçon a aucuns d'entre eulz, qui soubz habitz de pelerins debuoyent passe sur le pont. En cest habit donc passantz le pont,



ilz vindrent au receueur des peages, & ce pendant qu'ilz payoent le peage, la abordèrent deux basteaux, qui sembloient estre chargez de bois, mais il y auoit de la fraude, car il y auoit plusieurs gentz de guerre cachez soubz le bois, & au sitost que ceulz qui estoient sur le pont veirent les basteaux abordez, ilz mirent la main aux espées, & tuerent le receueur des peages & quelques autres avec luy. Or les ennemys prirent la ville bien aiseement, d'autant que les gentz estoient au temple. Les bourgeois entendantz cela, prirent leurs armes, & tasechoyent de re-



pouffer leurs ennemys, mais c'estoit en vain. Car aucuns d'eulx furent tuez, aucuns prins, & aucuns se jetterent par les murailles du hault en bas. Il y eust aussi des femmes forcees et de la ilz emporterent grand butin tant en argent qu'aultres choses. D'auantage ces susdictz gentilz hommes denoncèrent aussi la guerre a ceulx de Basle, & mesme aux Suysles, pillantz & bruslantz en leur terres toutes ce qu'ilz pouuoient reconstrer, comme ceulx de Basle


aussi de leur roste & Suisses leur rendoyent bien la paraille, iusques autant que finalement l'accord fust fait comme il sera dict cy apres. L'an de grace 1453. Albert duc d'Autriche conferma de rechef aux bourgeois de Rhinfeld les droictz & priuileges, qu'ilz auoyent receuz au parauant du sacré empire.

## De l'ancienne Auguste Rauracque

laquelle de puis long temps en ça, n'est plus qu'un poure village, vulgairement appelle Augst.

**L**es Latins ont anciennement appelle la region, qui est située entre Basle & la montagne Iura, Rauricam, & les habitantz Rauraces & Rauracos, ce que Jules Cesar de claire, & apres luy Corneille Tacite, Ptolomee, & quelques autres. Or on ne scauroit pas bien dire d'ou ce nom est venu, ou si les estrangiers l'ont forgé ou si les Allemans en ysoyent au parauant. C'est merueilles comme la principale ville de ceste region de Rauracque a retenu son nom Augusta iusques a nostre temps (car auourd'hui encore on l'appelle Augst) & toutes fois le nom de la region est tellement aboly, que nul n'en fauroit parler si ce ne font les gentz scauantz. Il semble que ce soit un mot Allemand, comme auourd'hui aussi le commun populaire vie de ces motz Alsace, forest noire, Brisgouu & autres; mais quelque chose a esté corrompu par les Rommains, lesquelz de deux motz Allemands, ascauoir Ruch rachen, en ont fait un mot corrompu Rauraca. Or Ruch rachen signifie aspre destroit ou bouche. Car les montaignes qui sont au dessus de Basle tant d'un costé que d'autre du Rhein, approchent l'une de l'autre en forme de bouche ou de stroict & ce nom n'est point mal proprement donne au pays. Car la terre se rend par de la Basle la

*D'ou a prins son nom la region Rauraca.*



distance de quelques lieues si aspre & rude entre les montaignes qu'elle ne produyt ne bled ne vin, combien que depuis peu de temps en ça plusieurs lieux pleins de buissons & espines ayent esté conuertiz en champs fertiles. La ville Augusta Rauraca, laquelle auourd'hui vulgairement est appellee Augst, & distante de Basle d'un lieue Germanique, fust bastie pres du Rhein quelques années deuant la natiuite de nostre Seigneur Iesus Christ, ce que les antiquitez & vieulz bastimentz de monstrent, lesquelz on peut veoir pres du pont, qui trauese la riuere de Ergetz, sur un petit terre. Et certes ces ruines rendent assez suffisant tesmoignage, que l'Augusta Rauraca n'estoit point anciennement une ville vulgaire ne champestre, combien que maintenant apres la destruction ce ne soit qu'un poure village, qui est auourd'hui appelle Augst. On veoit encore auourd'hui tant de ça que de